



Universitätsbibliothek Paderborn

**Theologia Moralis Universa, Complectens Omnia Morum
Præcepta, Et Principia Decisionis Omnium Conscientiæ
Casuum, Suis Quæque Momentis Stabilita**

Ad usum Parochorum, & Confessariorum

Continens Tractatus de Conscientia, de Legibus, de Peccatis, de Virtutibus
Theologicis, de Religione, & Beneficiis. Adjunctis in hac editione
Propositionibus ad hanc usque proscriptis

Antoine, Paul-Gabriel

Ingolstadii, 1734

VD18 90392140

Cap. II. De obligatione Legis humanæ.

urn:nbn:de:hbz:466:1-40986

peccat contra Religionem, & temperantiam; & tenetur hæc peccata specie diversa exprimere in Confessione; nec satisfaceret dicendo, sebis peccasse contra præceptum Ecclesiæ.

CAPUT II.

De obligatione Legis humanae.

Q. 1. **A**N Principes Ecclesiastici, & seculares possunt etiam fidelibus ferre Leges obligatorias in conscientia, ita ut earum transgressio sit offensa Dei, etiam mortalis in re gravi?

Resp. Aff. fide constat. Prob. 1. ex 1. Pet. 2. Subjecti estote omni humana creatura propter Deum sive Regi, sive Ducibus... quia sic est voluntas Dei. Et Rom. 13. Omnis anima potestatibus sublimioribus subdita sit: non est enim potestas nisi à Deo: qua autem sunt, à Deo ordinate sunt. Itaque qui resistit potestati, Dei ordinazione resistit. Qui autem resistunt, ipsis sibi damnationem acquirunt ... Ideo necessitate subditi estote non solum propter iram, sed etiam propter conscientiam. Ergo qui resistit potestati Civili transgrediendo ejus Legem, resistit Deo, & acquirit sibi damnationem etiam æternam à Deo, ut explicant Patres, & patet ex his verbis: Ideo subditi estote propter conscienti-

entiam. Ergo principes sacerdotes possunt ferre Leges, quarum transgressio sit mortalitatis culpa.

Idem a fortiori possunt Principes Ecclesiastici; cum potestas Ecclesiastica sit Spiritualis, & altioris ordinis, & constat adhuc i. Pro summo Pontifice, nam Christus dixit Petro, & successoribus ejus Joan. 21. *Pasce agnos meos. Pasce oves meas.* Et Mat. 16. *Quocumque ligaveris super terram, erit ligatum & in cælis.* c. 2. Pro Episcopis; nam Christus dixit reliquis Apostolis, & eorum successoribus Episcopis, Mat. 18. *Quacumque alligaveritis super terram, erunt ligata & in celo.* & Luc. 10. *Qui vos audit, me audit: & qui vos spernit me spernit.* & Heb. 13. *Obedite Præpositis vestris.* Item ex Trident. Sess. 7. can. 8. & Sess. 25. de delectu ciborum. & ex c. *Violatores 25. q. 1. & sequentibus.*

Prob. 2. Quia Lex naturalis præscribit, & recta ratio dictat subditos teneri superiorum præceptis parere: nam esse Superiorum est potestatem, ac authoritatem habere in alios, qui tanquam subditi debent illi parere. 3. Qui violat jus alterius in re gravi, hoc ipso Deum graviter offendit. Nam Deus vult, ac jubet, ut suum cuique tribuatur, & graviter vetat, ne graviter violetur jus alterius, cum violare jus alterius sit intrinsecè malum, ideoque pro-

Tom. I.

F

hi-

hibitum lege divina naturali. At violans præceptum legislatoris in re gravi, violat graviter jus illius, nempe jus, quod habet exigendi per legem suam aliquid grave, & quo re ipsâ illud graviter exigit. Ergo. Adde: quod potestas obligandi in conscientia sub mortali sit necessaria ad rectam gubernationem, & efficaciam legum; alioquin innumeræ essent transgressiones occultæ; nec finis legis satis obtineri posset.

Nota Obligare in conscientia est impo-
nere necessitatem agendi, vel omittendi
aliquid ad vitandam culpam, & offendam
Dei. Obligatio verò in conscientia est ta-
lis necessitas.

*Q. 2. Quandonam Lex humana obligat
sub mortali culpa?*

Resp. I. Ex communi ad hoc requiritur
materia gravis. Quia 1. potestas huma-
na est limitata, & commensurata exigen-
tiæ, ac capacitatì materiae. 2. Obligare
graviter in re ex omni parte levi est contra
rectam rationem, bonum commune, &
convenientem gubernationem, & in per-
niciem animarum, imò est injustum: nul-
la autem est potestas à Deo data homini-
bus, nisi ad ædificationem, non in destruc-
tionem. 3. Lex divina naturalis, & po-
sitiva nunquam obligat sub mortali in ma-
teria

teria levī sub omni respectū. Item secundūm multos requiritur intentio Superioris graviter obligandi, seu exigendi graviter, hoc est, ex tota sua potestate, id quod statuit: quia Superior potest in materia gravi obligare tantūm sub veniali. Non tamen requiritur, ut Superior expressè intendat obligare sub mortali. Sed satis est, quod intendat uti sua tota potestate, & graviter exigat aliquid grave, licet ignoret, quid sit obligatio sub peccato: cùm enim potestas Superioris sit à Deo, & Deus jubeat, ut subditi ei pareant, posita gravitate præcepti humani, hoc ipso oritur obligatio gravis, adeoque sub mortali.

Resp. II. Lex obligat sub mortali quoties materia est gravis, & Legislator absolute præcipit, vel vetat, nec expressè significat, se velle solūm obligare sub veniali. Ita omnes. ex Clement. i. *De verb. signif.* quia tunc Superior potestate præcipiendi utitur sine limitatione, & secundūm materiæ capacitatem, cui censemur se accommodare. Nisi oppositum declareret: & sic imponit præceptum grave, ideoque graviter obligans.

Cæterūm ad gravitatem materiæ legis duo requiruntur, & sufficiunt. 1. Ut finis proximus legis, seu id quod proximè intendit per legem, sit magni momenti. 2. Ut id, quod statuitur, non parūm ad illum finem conferat, quamvis sit aliquid in se

TRACTATUS

84

leve; sic comedio pomi in paradiſo, licet de ſe levis, tamen erat gravis ratione finis à Deo intenti, nempe ut homo ſuam ſubjectionem, & dependentiam à Deo profiteretur. Sic etiam ingressus viri in clauſtrum Monialium eſt materia gravis, quia ejus omissio multum confert ad gravia mala avertenda.

Reſp. III. Gravitas materiæ, & intentio Superioris ſufficiens ad obligandum ſub mortali cognosci poſſunt. 1. Ex graviate verborum, quibus utitur Superior, ut v.g. cùm præcipit, vel vetat aliquid ſub interminatione divini judicii, vel in virtute obedientiæ, vel ex tota ſua potestate, &c. Nam gravissima verba non adhibentur à prudenti Superiori, niſi circa materiam gravem, & ad ſignificandam gravem obligationem. Item dum ſignificat ſe vel le obligare ſub gravi culpa. 2. Ex graviate poenæ transgressoribus impositæ, quaſi eſt excommunicatio, poena mortis, exili, carceris perpetui, &c. Nam gravis poena non imponitur justè, niſi pro gravi culpa, quaꝝ ſupponit gravem obligationem præcepti violati. 3. Ex communi prudentum judicio, vel ex conſuetudine, quaꝝ eſt optima legum interpres c. 8. de Conſuet.

Q. 3.

Q. 3. An legislator potest in materia gravi obligare solum sub veniali?

Resp. Multi asserunt, & videtur communis sententia. Quia 1. Potestas obligandi, quam habet Legislator, est quoad usum in ejus libera voluntate, & sic potest eam applicare prout voluerit. Ergo potest illam applicare ad obligandum solum sub veniali; præsertim cum materia majoris obligationis sit etiam capax minoris; & hoc ad convenientem gubernationem interdum expedit, ne scilicet nimium oneretur conscientia subditorum, qui sufficienter ad talis legis observationem inducuntur per obligationem sub veniali. 2. Multæ leges, ac constitutiones Religiosorum, ut Carmelitarum Discalceatorum à S. Pontificibus approbatæ obligant solum sub veniali in rebus gravibus, ut jejunii, abstinentiis, &c. 3. Lex divina solum præcipit, ut pareatur Superiori quantum, & quatenus præcipit; & ab illa oritur obligatio commensurata voluntati Superioris. Ergo si Superior leviter exigat, & præcipiat aliquid, etsi de se grave, inde oritur solum obligatio levis, & tunc præceptum censetur formaliter leve. 3. Actus liberè agentium non operantur ultra intentionem eorum.

F 3

Q. 4.

Q. 4. An Leges fundatae in præsumptione obligant in conscientia?

Nota. Duplex est præsumptio , altera periculi , seu potentiae , quæ frequenter ad actum reducitur ; & altera facti , quæ factum aliquod in particulari præsumitur . Porrò non videtur ulla lex fundari in præsumptione facti , secùs de præcepto particulari . Quare .

Resp. I. Lex fundata solùm in præsumptione periculi , semper obligat in conscientia . Quia . 1. Leges illæ semper nituntur veritate , ac judicio certo periculi , ut sàpè , vel aliquando contingentis , quòd semper verum est . 2. Legislator intendit per illas obligare , etiam si eventus periculi non interveniat in aliquo casu particulari . Nam bonum commune postulat , ut omnes , & semper obligentur : alias non impediretur efficaciter malum , quod sàpè evenire posset , etiam cùm ejus periculum non perspicitur : & multi , imò plerique sibi falso persuaderent non existare periculum respectu sui : & sic lex paucos obligare conserretur . Hinc lex vetans , & irritans Matrimonia clandestina fundata in periculo fraudis , scelerum , & incommodeorum , quæ ex illis facile oriri possunt , obligat etiam in casu , in quo ista certò non evenirent .

Resp.

Resp. II. Præceptum fundatum in præsumptione facti, quod in re ipsa supponitur, non obligat in conscientia, non subsistente veritate facti: quia tunc non subsistit fundamentum præcepti, nec proinde obligatio ejus; nec tunc Superior intendit obligare, cum nulla sit ratio obligandi. Sic mulier non tenetur obedire Episcopo præcepienti, ut reddat debitum ei, cui ipse præsumit eam esse validè conjunctam, cum tamen non sit propter occultum impedimentum; imò peccaret, si obediret.

*Q. 5. An Lex humana potest obligare
cum gravi nocimento seu damno?*

Nota. Certum est legem naturalem obligare ad sui observationem, etiam cum damno vitæ in iis circumstantiis, in quibus viget, seu jubet, vel vetat aliquid. Quia non præcipit, nec vetat, nisi id, cuius commissio, vel omissione dedecet naturam rationalem, estque intrinsecè mala. Non licet autem ad vitandam mortem, & quodvis supplicium, facere aliquid intrinsecè malum etsi leve: nam quod est ex natura reimatum, ac illicitum, tale est in quovis periculo, & damno. Item id, quod à Deo præcipitur ut medium absolute necessarium ad salutem animæ, obligat cum quovis damno temporali etiam vitæ; cum salus æterna sit rebus omnibus temporalibus anteponenda.

F 4

Resp.

Resp. I. Ex communi sententia leges humanæ non obligant plerumque, seu ordinariè, cùm gravi nocimento, seu danno, quod per accidens coniunctum est actui præcepto. *Prob. I.* ex c. 2. de observat. *jejun.* Ubi statuitur infirmos esse immunes à jejunio, cùm non subjaceat legi necessitas. Et ex c. 4. de regul. juris. ibi: *Quod non est licitum in lege, necessitas facit licitum.* Nam & sabbathum custodi xi præceptum est: Machabæi tamen sine culpa sua in sabbatho pugnabant. Sic & bodie., si quis jejunium fregerit agrotus, reus voti non habetur. *2.* Ex praxi Ecclesiæ, & consensu omnium, præcepta audiendi sacrum, jejunandi, recitandi horas, &c. non obligant cum gravi incommmodo, seu danno. *3.* Leges divinæ merè positivæ, quæ strictius obligant quàm humanae, non solent obligare cum gravi nocimento. Nam Christus Mat. 12. approbat factum Davidis, qui in necessitate gravi comederat Panes Propositionis, quorum iesus lege divina erat laicis prohibitus. Item lex de integritate confessionis ex communi non obligat cum gravissimo danno confessioni extrinseco. *4.* Ex c. erit Dist. 4. Lex debet esse possibilis secundum hominum naturam, & consuetudinem. Sed ex S. Antonin. I. p. tit. 3. c. 10. §. 10. *Impossibile est, quod vix possibile est, ut putam habens difficultatem.* *5.* Ordinariè

nariè ad bonum commune, & ad finem legum illarum aſſequendum ſufficit, ſi illæ obligent, ac ferventur communiter, & extra caſus extraordinarios gravis periculi, ac damni: unde Legiſlator prudens ceneſtur obligare cum hac moderatione, & benitate: aliaſ ſine cauſa ſufficiente expo-neret ſubditos morali periculo peccandi.

Dixi ordinariè: obſequentes reſpoſio-nes.

Reſp. II. Ex communi, Lex humana, cui periculum gravis damni eſt accidentarium, obſervari debet aliquando per acci-dens cum quo vis damno temporali, etiam vitæ, quand ſcilicet omitti non poteſt ſine contemptu legitimæ potestatis, vel religionis, aut ſcandaluſ gravi. Quia lex humana, vel ſaltem diuina naturalis tun̄ obligat ad tuendam, & non contemnen-dam, etiam exteriūſ tantūm Religionem, & potestatem publicam, quæ præponderat bono vitæ privati. Quippe ad bonum commune pluris refert Religionem, & po-testatem legitimam non contemni, ac ſcandalum omitti, quam privati vitam fer-vari. Dixi ſaltem naturalis. Nam con-contemptus etiam externus legis, & po-teſtatis legitimæ, vel Religionis, & ſcandalum ſunt intrinſecè mala, ideoque Lege naturali prohibita. Quare Machabæi ele-gerunt potiū mori, quam manducare

F 5

car-

carnem suillam in contemptum legis veteris 2. Machab. 7. Hinc quamvis juxta multos liceat Catholico transeunti per loca Hæreticorum comedere carnes die alias vetito , ne si abstineat , prodat se Catholicum, & ideo de vita periclitetur , eò quod præceptum Ecclesiæ non obliget cum tanto damno ; tamen si quis ab Hæretico cogeretur ad comedendas carnes die vetito, ut ostenderet hoc facto se despiceret Ecclesiasticam legem, seu potestatem , teneretur subire mortem potius , quam comedere. Nec excusaretur , & sic declararet se non comedere carnes in contemptum Ecclesiæ , sed propter necessitatem ad vitandam mortem : nam tunc adhuc esset contemptus externus legis , qui semper est intrinsecè malus. *De Lugo.*

Resp. III. Ex communi , Lex humana potest per se obligare cum periculo , & damno etiam vitae. Quia in quavis communitate perfecta est tota potestas ad suam conservationem , & ad bonum commune necessaria. Nam Deus ut author naturæ, cuiuslibet communitatis civilis gubernationi, ac communi bono , & Christus Ecclesiæ bono , ac recto regimini sufficien-
tissime providit. Ergo in quavis communitate perfecta est potestas præcipiendi actus ad suam conservationem , & bonum commune necessarios , quamvis annexum habeant vitæ periculum ; cùm aliunde æ-
quum

quum sit pro totius salute partem periculo objicere. Sic Episcopus potest obligare Vicarium, mortuo Parocho, ad non deferendum Parochianos tempore pestis: Dux milites ad servandam stationem, vel irruendum in hostes cum certo mortis periculo. &c.

Resp. Lex autem humana tunc maximè per se obligat cum periculo vitæ, quando tale periculum per se actui præcepto conjunctum est. Sed tunc ad justitiam legis requiritur, ut res præcepta sit gravis, & necessaria ad conservationem, vel bonum statum Reip. Nam *Resp:* non habet Dominium, sed solum convenientem usum vitæ civium.

Q. 6. An ē qualis promulgatio requiriatur, ut Lex obliget?

Not. Promulgatio Legis est Legis publicatio, seu publica denuntiatio facta nomine Principis, per quam Lex subditis innotescere potest. Fit autem vel voce Præconis, vel affixione legis scriptæ in loco publico, vel alio simili modo. Unde differt à divulgatione, quæ est promulgationis extensio, qua scilicet legis jam promulgatae notitia extenditur ad omnes, aut saltem ad majorem partem subditorum.

Resp. I. Ex communi, ut Lex obliget, requiritur sufficiens promulgatio. Quia
I. Lex

1. Lex non potest obligare communitatem, nisi ipsi sic proponatur, ut ab ea cognosci possit. Nam nemo potest obligari ad aliquid incognitum; cùm rei incognitæ observationem velle nemo possit. At Lex non potest sic proponi communitati, nisi sufficienter promulgetur, & notitia illius fiat aliquo modo publica, ut patet. 2. Lex est regula publica actuum: nam est regula actuum communitati propter bonum commune præscripta à Superiore ejus curam gerente. At regula publica debet publicè proponi, & applicari ad hoc, ut subditi teneantur ei se conformare: sicut regula privata debet saltem privatim applicari ad hoc, ut privatus ei se conformare teneatur. Enimverò quævis regula, nisi sufficienter regulabili applicetur, & quidem modo sibi proportionato, nullum habet effectum. Quare promulgatio vel est complementum essentials legis, vel saltem conditio essentialiter requisita, ut Lex actu obliget.

Hinc si Titius certò sciat legem aliquam esse latam, & jussu Principis triduo promulgandam, non obligatur ad illam, donec reipsa promulgata sit. Nam Lex, cùm sit præceptum commune latum pro tota communitate, non potest ullum membrum particulare obligare, quin obliget communitatem: hanc autem non obligat, nisi publicè proposita sit, ideoque promulgata.

Resp.

Resp. II. Ad promulgationem sufficientem nulla certa solemnitas, seu nullus modus determinatus promulgationis ex natura rei requiritur. Quia ex natura rei sufficit, quod Lex sic proponatur, ut possit facilè pervenire ad notitiam subditorum. Hinc ex natura rei sufficit, quod Lex publicè denuntietur in curia, seu in civitate, in qua residet Princeps: nam Lex ibi denunciata potest facilè in subditorum notitiam pervenire, ob frequentem ad sedem Principis regursum, & concursum ex civitatibus omnibus ei subjectis.

Ad promulgationem verò ex jure positivo requisitam talis debet esse publicatio, qualis vel ex Lege positiva, vel ex consuetudine, vel ex legislatoris voluntate prescribitur. Cùm ergo circa hoc diversæ in diversis locis solemnitates, & conditio-nes vel consuetudine, vel lege determinatae sint, si earum aliqua omittatur, non censetur Lex legitimè promulgata.

Resp. III. Ut Leges imperiales obligent provincias, debent in illis singulis promulgari. Imò non obligant in provincia, nisi post duos menses à promulgatione ibi factâ; ex Authent. *Constitutiones.* Secundum Doctorum interpretationem, & consuetudinem. Idem est de legibus latis à Regibus, & Principibus Imperatori subjectis, ac de imperialibus: quia illi principes non acceperunt ab Imperatore potestatem ferendi

rendi leges, nisi secundum jus commune Imperii, & juxta modum, quem servant ipsi Imperatores in legibus suis ferendis.

Resp. IV. Leges Regum, & Principum Imperatori non subjectorum, ut obligent, non requirunt promulgationem in singulis Provinciis, nec duos menses post illam; sed sufficit, ut fiat promulgatio in uno loco, ex quo ad alia loca divulgetur; nisi aliud exigat Lex, vel consuetudo. Quia talis promulgatio ex natura rei sufficit ad obligandum subditos; & aliunde illi Principes non tenentur legibus Imperioriis. Ferè tamen ubique viget consuetudo, aut Lex Regni, ut Reges, qui habent plures Provincias, carent suas leges in singulis Provinciis promulgari, neque aliter eas obligent. Sic in Gallia Regiae leges dicuntur non obligare, nisi referantur in acta Curiarum Supremarum.

Resp. V. Lex humana, quæ in uno loco promulgatur, non statim incipit ubique obligare: sed solum in unoquoque loco obligat actu elapso eo tempore, quo legis promulgatae notitia ad illum ordinario modo pervenire potuit. Prob. 1, ex Bulla, *Sicut ad calcem Con. Trident.* ubi Pius IV. ait. *Jure etiam communi sancitum est, ut constitutiones novæ vim non nisi post certum tempus obtineant.* 2. Quia Lex in uno loco promulgata non est sufficienter denunciata in omnibus aliis locis, nisi post elap-

elapsum tempus sufficiens, ut notitia legis promulgatae pervenire possit ad omnia illa loca, ut patet.

Nota. Licet ignorantis invincibiliter legem promulgatam, & divulgatam ab ejus transgressione excusentur; tamen si Lex illa statuat aliquid de esse morali rerum, vel personarum, irritando, inhabilitatem inducendo, habet omnem effectum suum circa illos præter imputabilitatem ad culpam; ut patet in legibus de impedimentis Matrimonii, de irregularitatibus spuriorum, &c. Quia tales effectus non supponunt culpam, & finis illarum legum postulat, ut habeant talem effectum circa omnes.

Q. 7. *An ut leges Papæ obligent in Provinciis, debent esse in illis promulgatae?*

Resp. Non pauci censent leges Papæ debere in singulis Provinciis promulgari, ut in illis obligent, nisi in illis usu receptæ sint, vel Papa expressè declareret velle se obligare omnes ubique fideles post promulgationem Romæ factam. Quia Ecclesia Jus civile servat, ubi ipsa nihil aliter instituit, ex c. i. *De novi oper. nunt.* ubi Lucius III. ait: *sicut leges non deditur sacros Canones imitari, ita & sacrorum statuta Canonum Principum Constitutionibus*

bus adjuvantur. At iuxta Ius civile Lex non obligat Provincias singulas nisi in illis sit promulgata, nec Eccle a aliter de suis legibus statuit. Enim verò, inquiunt, suavitas, & benignitas regiminis Ecclesiastici hunc modum obligandi, quem servant leges civiles, postulant; nisi aliqua urgens causa compellat Papam ad obligandum omnes post Romanam promulgationem.

Plures verò docent Leges Pontificias Romæ tantum promulgatas obligare in Provinciis omnes, ad quorum notitiam venerint, secluso Privilegio, vel legitima consuetudine in contrarium. Probant 1. Quia ex natura rei sufficit unica promulgatio Romæ facta, cùm per eam Lex possit innotescere in omnibus Provinciis, & aliunde Ecclesia nil plus statuit. 2. Ex praxi, & consuetudine Curiæ Romanæ, in qua Provinciarum causæ & lites definiuntur iuxta Leges Pontificias Romæ tantum promulgatas. 3. Pleraque Decretales Corpori Juris insertæ, non sunt promulgatae in Provinciis, & tamen in iis obligant. 4. Pius IV. in Bullâ *Sicut cit.* Declarat Decreta Conc. Tridentini ad reformationem, & disciplinam spectantia ubique incepisse obligare Kalendis Maïi an 1564 post promulgationem Romæ factam. Et Sixtus V. in Constit. de habitu, & tonsurâ Clericorum, non requirit aliam promulgationem, quam quæ Romæ facta est; & tamen vult omnes

omnes ultra montes constitutos obligari intra octo menses à die publicationis Romæ faciendæ.

Nec obstat Lex civilis. Nam Papa non subjicitur legibus imperatoriis in usu sive jurisdictionis, quam à Christo immediate accepit; & dispositio illa Juris Cæsarei repugnat consuetudini Ecclesiæ. Evidem leges Civiles adhibentur ab Ecclesia in causis decidendis, quando sunt conformes æquitati, ac rectæ rationi, & desunt leges Canonicæ: quia requiritur aliqua regula decidendi causas, & tunc nulla aptior videtur lege civili.

Alii docent spectandum esse usum singularum regionum, quia modus promulgationis sufficientis ad obligationem legis usu determinari debet, cum nil de eo lege statutum est.

Q. 8. An ut Leges humanæ obligent, requiritur acceptatio, seu consensus majoris partis communitatis?

Resp. Neg. Quia 1. potestas legislativa absoluta, quæ residet in Principe, est etiam potestas præcipiendi, obligandi, & exigen- di legis observationem: alioquin solum esset potestas consulendi, vel proponendi subditis, num velint aliquid facere, aut omittere. 2. Obligatio obediendi necessariò oritur ab authoritate Superioris, non

Tom. I.

G

2

à consensu subditi: alioqui subditus nolens obedire Superiori non peccaret. 3. Præceptum particulare Superioris absolutè impositum obligat subditum independenter ab illius acceptatione: aliàs potestas præcipiendi esset inefficax, & inutilis. Ergo pariter Lex, quæ est præceptum commune, obligat communitatem independenter ab illius consensu: sicut enim quantum ad vim obligandi se habet præceptum Superioris ad inferiorem, ita & Lex Principis ad communitatem, cùm sit ejus Superior. 4. Legislatores supremi possunt cogere, imò sàpè pœnis cogunt subditos ad legem recipiendam, & servandam; & hi nequeunt sine culpa resistere; nam ex Rom. 13.
Qui resistit potestati, Dei ordinationi resistit: qui autem resistunt ipsi, sibi damnationem acquirunt. 5. Alex. VII. damnavit hanc propos *Populus non peccat, etiamsi absque ulla causa non recipiat legem à Principe promulgatam.*

Notanda sunt sequentia 1. Hoc intelligi debet de legibus absolutè latis, & cum intentione statim obligandi: nam si Legislator supremus nolit obligare ante consensum majoris partis communitatis, Lex non obligat nisi post illum. Quia cùm Lex pendeat à voluntate Legislatoris, ipsius est præfinire tempus, & conditiones, quibus vult ad illam subditos obligari. Intentio autem Legislatoris cognoscitur vel

ex

ex ipsius verbis, vel ejus modo agendi, vel ex usu. Quare si post legis promulgationem puniat ejus transgressores, non exceptato consensu majoris partis, signum est non requirere talem consensum, ut Lex obliget 2. Si Lex promulgata non observetur à majore parte communitatis, tunc si Legislator id sciat, & taceat, censetur consentire, ut non servetur nec obliget. Nam qui tacet consentire videtur Reg. 43. Jur. in 6. Si verò urgeat observationem legis, v.g. puniendo violatores, singuli tenentur eam servare: nam per aliorum resistentiam Legislator non amittit jus obligandi; & consuetudo nil potest contra legem, nisi sit legitimè præscripta, nec est legitimè præscripta quamdiu Legislator ei resistet. 3. Si Legislator ignoret legem non recipi, nec servari, à majore parte communitatis, Lex obligat, donec legitimè præscripta sit, nisi lata sit sub conditione faltem tacita acceptio[n]is; cùm Lex absolutè latè obliget omnes independenter à consensu subditorum. 4. Ut Lex censeatur recepta, & vigere sufficit consensus tacitus majoris partis subditorum. Nam major pars prævalet minori, & quod fit à majori parte, censetur fieri à tota communitate. Imò sufficit quod recipiatur à dignioribus reip. quales sunt Præsides, & Senatores. In dubio autem an Lex recepta sit, præsumi debet

bet pro ipsa: quia in dubio factum præsumitur, si jure faciendum erat.

CAPUT III.

*De modo, quo observandæ sunt
Leges.*

*Q. I. An ad satisfaciendum præcepto re-
quiritur intentio illi satisfaciendi?*

Not. Certum est requiri intentionem faciendi opus, quod præcipitur. Quia actus lege præscriptus est actus humanus, qui est essentialiter voluntarius, ac liber; nam Lex hominibus imponitur non brutorum more, sed humano modo implenda. Actus autem non potest esse voluntarius sine voluntate illum ponendi. Hinc per actus merè coactos non satisfit præcepto: sic si quis omnino invitus cogeretur manere in templo tempore sacri, non impleret præceptum de audiendo sacro, nisi vellet attendere, & reipsa attenderet ad facrum. Eidem quoque non satisfaceret, qui ingressus templum solo animo meditandi divina, ibi maneret in meditatione defixus toto sacri tempore, sine ulla intentione audiendi sacrum, & attendendi ad illud. Quia non poneret voluntariè actum præceptum, cum non habeat voluntatem audiendi